

**গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা।**

সংবাদ গতিধারা

ঢাকা, বুধবার ২৭ জানুয়ারি ২০১৬, ১৪ মাঘ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। পুলিশকে জনগণের সেবক হতে হবে : প্রধানমন্ত্রী
- ২। সম্ভাবনাময় খাতে বিনিয়োগ করতে ব্রিটিশ
- ৩। বড় প্রকল্পে বাণিজ্যিক ঋণ নেয়া হবে : অর্থমন্ত্রী
- ৪। অবসরের পর রায় লেখা অসাংবিধানিক নয় : আইনমন্ত্রী
- ৫। মুক্তিযুদ্ধ ও বঙ্গবন্ধুকে নিয়ে কটাক্ষ গ্রহণযোগ্য নয় : কুষ্টিয়ায় তথ্যমন্ত্রী
- ৬। অনুমতি ছাড়া ওয়েলকাম টিউন নয় : ডাক ও টেলিযোগাযোগ প্রতিমন্ত্রী
- ৭। জাতীয় সংসদে চা শ্রমিক কল্যাণ তহবিল বিল পাস
- ৮। শিক্ষকদের কর্মবিরতিতে অচল সব সরকারি কলেজ
- ৯। কুমিল্লায় সড়ক দুর্ঘটনায় স্ত্রী কন্যাসহ চিকিৎসক নিহত
- ১০। বাংলাদেশ সঠিক পথেই এগোচ্ছে : মার্কিন জরিপের তথ্য
- ১১। আইসিসি অনূর্ধ্ব-১৯ বিশ্বকাপ শুরু হচ্ছে আজ

১। পুলিশকে জনগণের সেবক হতে হবে : প্রধানমন্ত্রী

প্রধানমন্ত্রী শেখ হাসিনা বলেছেন, আপনারা জনগণের পুলিশ। আপনাদের কর্তব্য জনগণের সেবা করা, জনগণকে ভালোবাসা এবং দুর্দিনে জনগণকে সাহায্য করা। প্রধানমন্ত্রী বলেন, আমি আশা করি পুলিশ বাহিনীর প্রত্যেক সদস্য সর্বোচ্চ দেশপ্রেমের সঙ্গে তাদের দায়িত্ব পালন করবে। সব চ্যালেঞ্জ মোকাবিলা করে তাদের জনগণের সেবক হতে হবে। তাদেরকে অসহায় ও বিপন্ন মানুষের পাশে বিশ্বস্ত বন্ধুর মতো দাঁড়াতে হবে, যাতে মানুষ তাদের ওপর নির্ভর করতে পারে। প্রধানমন্ত্রী গতকাল ২৬ জানুয়ারি মঙ্গলবার রাজারবাগ পুলিশলাইনে ‘পুলিশ সঞ্চাহ-২০১৬’ উদ্বোধনকালে এ নির্দেশ দেন। সূত্র-ইভেফাক (পৃ.১,ক.৭), প্রথম আলো (পৃ.২,ক.২), ডেইলি স্টার (পৃ.২,ক.১), ইভিপেনডেন্ট (পৃ.১,ক.৫) সমকাল, ইনকিলাব, অবজারভার, নিউজ টুডে এ বিষয়ে লিড নিউজ ছেপেছে।

২। সম্ভাবনাময় খাতে বিনিয়োগ করতে ব্রিটিশ বাংলাদেশি ব্যবসায়ীদের প্রতি রাষ্ট্রপতির আহ্বান

বাংলাদেশের রাজনৈতিক স্থিতিশীলতা ও বিনিয়োগবান্ধব পরিবেশের প্রশংসা করে একদল ব্রিটিশ বাংলাদেশি দেশের উন্নয়ন ও অগ্রগতিতে অংশীদার হতে গভীর আগ্রহ প্রকাশ করেছেন। ব্রিটিশ বাংলাদেশি উদ্যোক্তাদের একটি প্রতিনিধিদল গতকাল ২৬ জানুয়ারি মঙ্গলবার বঙ্গভবনে রাষ্ট্রপতি মো. আবদুল হামিদের সঙ্গে সৌজন্য সাক্ষাৎকালে এ আগ্রহ প্রকাশ করেন। সূত্র-জনকৃষ্ণ (পৃ.২,ক.১), সমকাল (পৃ.২,ক.৫), ডেইলি স্টার (পৃ.৩,ক.১)।

৩। বড় প্রকল্পে বাণিজ্যিক ঝণ নেয়া হবে : অর্থমন্ত্রী

দেশের চলমান বড় বড় প্রকল্পের জন্য অর্থের প্রয়োজনের কথা উল্লেখ করে অর্থমন্ত্রী আবুল মাল আবদুল মুহিত বলেছেন, বড় প্রকল্প বাস্তবায়নে প্রয়োজনে বাণিজ্যিক খণ্ড নেয়া হতে পারে। গতকাল ২৬ জানুয়ারি মঙ্গলবার সচিবালয়ে আন্তর্জাতিক মুদ্রা তহবিল এর নতুন নির্বাহী পরিচালক সূবীর গোকনের সঙ্গে সাক্ষাৎ শেষে তিনি এ কথা বলেন। সূত্র-ইত্তেফাক (পৃ.১৯,ক.৭), ইনকিলাব (পৃ.১,ক.৪), ডেইলি সান (পৃ.১৯ ক.২), নিউজ টুডে (পৃ.২ ক.১)।

৪। অবসরের পর রায় লেখা অসাংবিধানিক নয় : আইনমন্ত্রী

সংবিধানের কোনো আর্টিকেলে লেখা নেই অবসরের পর রায় লেখা যাবে না। তাই অবসরের পর রায় লেখা আর যাই হোক অসাংবিধানিক নয় বলে মন্তব্য করেছেন আইনমন্ত্রী আনিসুল হক। গতকাল ২৬ জানুয়ারি মঙ্গলবার জাতীয় সংসদে পয়েন্ট অব অর্ডারে অনিধারিত আলোচনায় ‘অবসর গ্রহণের পর বিচারকগণের রায় লেখা’ প্রসঙ্গে প্রধান বিচারপতির বক্তব্যের জবাবে তিনি এ মন্তব্য করেন। সূত্র-ভোরের কাগজ (পৃ.১,ক.৫), ইত্তেফাক (শেষপৃ.,ক.৮), ডেইলি স্টার (শেষ পৃ.ক.১), ডেইলি সান (শেষ পৃ. ক.১) জনকর্ত এ বিষয়ে লিড নিউজ ছেপেছে।

৫। মুক্তিযুদ্ধ ও বঙ্গবন্ধুকে নিয়ে কটাক্ষ গ্রহণযোগ্য নয় : কুষ্টিয়ায় তথ্যমন্ত্রী

তথ্যমন্ত্রী হাসানুল হক ইন্তু বলেছেন, মুক্তিযুদ্ধ, বঙ্গবন্ধু বা বঙ্গবন্ধুর ভূমিকা নিয়ে কোনো কটাক্ষ গ্রহণযোগ্য নয়। গতকাল ২৬ জানুয়ারি মঙ্গলবার কুষ্টিয়া সার্কিট হাউসে জাসদের নেতাকর্মীদের সঙ্গে মতবিনিময় শেষে সাংবাদিকদের প্রশ্নের জবাবে তিনি এ কথা বলেন। সূত্র-সমকাল (পৃ.২,ক.২), ইত্তেফাক (পৃ.১৯ ক.৬), ইভিপেনডেন্ট (পৃ.১৯ ক.৪),।

৬। অনুমতি ছাড়া ওয়েলকাম টিউন নয় : ডাক ও টেলিয়োগাযোগ প্রতিমন্ত্রী

ত্রৃতীয় কোনো পক্ষ নয় গীতিকার, সুরকার ও কর্তৃশিল্পীদের সংগঠন বিএলসিসিএসের অনুমতি নিয়েই মোবাইল ফোনে মিউজিক কনটেন্ট ব্যবহার করতে হবে। গতকাল ২৬ জানুয়ারি সচিবালয়ে মোবাইল ফোন অপারেটর প্রতিনিধি, সঙ্গীতশিল্পী, সুরকার ও গীতিকারদের নিয়ে এক বৈঠকে এ সিদ্ধান্ত জানিয়েছেন ডাক ও টেলিয়োগাযোগ প্রতিমন্ত্রী তারানা হালিম। সূত্র-ইত্তেফাক (শেষ পৃ.ক.৫), প্রথম আলো (পৃ.১২ ক.৩), সমকাল (পৃ.৪ ক.৪) ইভিপেনডেন্ট (পৃ.১৯ ক.২), নিউজ টুডে (পৃ.২ ক.১)।

=০৩=

৭। জাতীয় সংসদে চা শ্রমিক কল্যাণ তহবিল বিল পাস

চা শ্রমিকদের কল্যাণে গতকাল ২৬ জানুয়ারি মঙ্গলবার জাতীয় সংসদে ‘বাংলাদেশ চা শ্রমিক কল্যাণ তহবিল বিল-২০১৬’ পাস হয়েছে। বিলটি পাসের জন্য সংসদে উত্থাপন করেন বাণিজ্যমন্ত্রী তোফায়েল আহমেদ। বিলে হয়েছে, দায়িত্ব পালনকালে কোনো শ্রমিক শারীরিক বা মানসিকভাবে অক্ষম হওয়ার কারণে চাকরি থেকে অবসর, অপসারণ বা অব্যাহতি পেলে তাকে তহবিল থেকে এককালীন অনুদান দেওয়া হবে অথবা অবসর

নেওয়ার পাঁচ বছরের মধ্যে মারা গেলে প্রাপ্য অনুদান তার পরিবার পাবেন। সূত্র-সমকাল (পৃ.৪,ক.৫), জনকর্ত্ত (পৃ.২ ক.৮), প্রথম আলো (পৃ.২ ক.৮)।

৮। শিক্ষকদের কর্মবিরতিতে অচল সব সরকারি কলেজ

অচল হয়ে পড়েছে দেশের সব সরকারি কলেজ। সব সরকারি কলেজে স্বতঃস্ফূর্তভাবে প্রথম দিনে কর্মবিরতি পালন করেছেন শিক্ষকরা। দেশের কোনো কলেজেই একাডেমিক, প্রশাসনিক কার্যক্রম ও পরীক্ষা হয়নি। টানা তিনদিনের কর্মবিরতি আগামীকাল বৃহস্পতিবার পর্যন্ত চলবে। অষ্টম বেতন কাঠামোয় সিলেকশন গ্রেড ও টাইম ক্ষেল পুনর্বাহল, অধ্যাপকদের বিদ্যমান বৈষম্যমূলক বেতন ক্ষেল আপগ্রেডেশনের দাবিতে শিক্ষক-কর্মকর্তারা এ কর্মসূচি পালন করছেন। লাগাতার কর্মবিরতির কারণে দেশের ৩১০টি সরকারি কলেজই কার্যত অচল ছিল। সূত্র-সংবাদ (পৃ.১,ক.৪), জনকর্ত্ত (শেষ পৃ.ক.৭), প্রথম আলো (শেষ পৃ. ক.৪) ডেইলি স্টার (শেষ পৃ. ক.১) ডেইলি সান (পৃ.১ ক.৭)।

৯। কুমিল্লায় সড়ক দুর্ঘটনায় স্ত্রী কন্যাসহ চিকিৎসক নিহত

কুমিল্লার দাউদকান্দিতে সড়ক দুর্ঘটনায় এক চিকিৎসক, তার স্ত্রী-কন্যা ও গৃহকর্মী নিহত হয়েছে। গত সোমবার গভীর রাতে ঢাকা-চট্টগ্রাম মহাসড়কের কুমিল্লার দাউদকান্দি উপজেলার টামটা এলাকায় বাস-প্রাইভেটকার মুখোমুখি সংঘর্ষে এ ঘটনা ঘটে। সূত্র-ইত্তেফাক (শেষ পৃ.ক.৫), জনকর্ত্ত (পৃ.১ ক.২) ডেইলি স্টার (পৃ.১ ক.৭), ডেইলি সান (শেষ পৃ. ক.৩)।

১০। বাংলাদেশ সঠিক পথেই এগোচ্ছে : মার্কিন জরিপের তথ্য

অর্থনীতির উন্নয়নের কারণে বাংলাদেশ সঠিক পথেই এগোচ্ছে বলে মনে করেন দেশটির বেশিরভাগ মানুষ। যুক্তরাষ্ট্রভিত্তিক ইন্টারন্যাশনাল রিপাবলিকান ইনসিটিউটের একটি জরিপে এ তথ্য বেরিয়ে এসেছে। ৩০ অক্টোবর থেকে ১৯ নভেম্বর পর্যন্ত বাংলাদেশে ৬৪টি জেলার দুই হাজার ৫৫০ জনের ওপর জরিপটি করা হয়। সূত্র-ভোরের কাগজ (পৃ.১,ক.৫), যায়যায়দিন (পৃ.১ ক.৪), জনকর্ত্ত (পৃ.১ ক.৬), সমকাল (পৃ.১ ক.৮), ইভিপেনডেন্ট (পৃ.২ ক.২), বাংলাদেশ টুডে এ বিষয়ে লিড নিউজ ছেপেছে।

১১। আইসিসি অনূর্ধ্ব-১৯ বিশ্বকাপ শুরু হচ্ছে আজ

স্বাগতিক বাংলাদেশ ও বর্তমান চ্যাম্পিয়ন দক্ষিণ আফ্রিকার লড়াই দিয়ে চট্টগ্রামে আইসিসি অনূর্ধ্ব-১৯ বিশ্বকাপ ক্রিকেটের ১১তম আসরের পর্দা উঠচ্ছে আজ। ঢাকা, চট্টগ্রাম, নারায়ণগঞ্জ ও সিলেটের আটটি ভেন্যুতে বিশ্বকাপের ৪৮টি ম্যাচ অনুষ্ঠিত হবে। বাকি তিন শহরের ভেন্যুগুলোয় খেলা শুরু হবে আগামীকাল ২৮ জানুয়ারি বৃহস্পতিবার। সূত্র-ইত্তেফাক (পৃ.১,ক.৪), প্রথম আলো (পৃ.১ ক.৭), ডেইলি স্টার (পৃ.১ ক.৫), ডেইলি সান (পৃ.১ ক.৮), যায়যায়দিন এ বিষয়ে লিড নিউজ ছেপেছে।

সম্পাদকীয়

- ক. **প্রথম আলো :** বিশ্বব্যাংকের জ্যেষ্ঠ পরিচালক টিমোথি ইভাস এ দেশের মানুষের অপুষ্টি দূর করা এখনো একটি বড় চ্যালেঞ্জ বলে যে মন্তব্য করেছেন তার সাথে একমত প্রকাশ করে দরিদ্র জনগোষ্ঠীর অপুষ্টি দূর করতে যথাযথ পদক্ষেপ নেওয়ার সুপারিশ।
- খ. **ইত্তেফাক :** মেয়াদোভীর্ণ খাদ্যপণ্যের মোড়কে সিল মেরে তা নতুন বলে চালিয়ে দেওয়ার মতো জালিয়াতি রোধে কঠোর ব্যবস্থা নেওয়ার দাবি।
- গ. **জনকর্ত্ত্ব :** বৈদেশিক মুদ্রা অর্জনে, দেশীয় উৎপাদন বৃদ্ধিতে ও দারিদ্র্য দূরীকরণে বাংলাদেশের নারীর অবদান গুরুত্বপূর্ণ উল্লেখ করে সামাজিক ও অর্থনৈতিক উন্নয়নে নারীর অংশগ্রহণ আরও বাড়ানোর ওপর গুরুত্বারোপ।
- ঘ. **সংবাদ :** দেশে সোনা ও মাদক পাচারের টাকা জঙ্গি ও সন্ত্রাসবাদে ব্যবহার হওয়ার খবরে উদ্বেগ প্রকাশ করে জঙ্গিবাদের সব ধরণের আর্থিক নেটওয়ার্ক ধ্বংস করে সোনা ও মাদক চোরাচালানের বিরুদ্ধে কঠোর পদক্ষেপ নেওয়ার সুপারিশ।
- ঙ. **সমকাল :** ২৮-২টি উপজেলার মাধ্যমিক বিদ্যালয়গুলোর শিক্ষার্থীরা ১৮ মাস ধরে উপবৃত্তির অর্থ তুলতে না পারার কথা উল্লেখ করে এর জন্য দায়ী ব্যক্তিদের চিহ্নিত করে শাস্তির দাবি।
- চ. **ডেইলি স্টার, সংবাদ :** লালমনিরহাটের ৫টি উপজেলায় ৪০টি ইটভাটায় জোরপূর্বক উপরিভাগের মাটি ব্যবহৃত হওয়ায় প্রতিবছর শৈতানী বিদ্যা জমির উর্বরতা কমে যাওয়ার চিত্র তুলে ধরে স্থানীয় প্রশাসনকে কৃষি জমি সুরক্ষায় আইনি ব্যবস্থা নেওয়ার সুপারিশ।
- ছ. **ইভিপেনডেন্ট :** ৭ শতাংশ প্রবৃদ্ধির টার্গেট অর্জন করতে হলে আরও সরাসরি বিদেশি বিনিয়োগ আকৃষ্ণ করতে বিনিয়োগের পক্ষে সব ধরনের বাধা অপসারণে গুরুত্ব দেওয়ার আহ্বান।
- জ. **ডেইলি সান :** মন্ত্রিসভায় ‘প্রবাসী কল্যাণ ও বৈদেশিক কর্মসংস্থান নীতি ২০১৬’ খসড়া অনুমোদিত হওয়ায় প্রবাসী শ্রমিকদের অধিকার সুরক্ষিত হবে বলে প্রত্যাশা ব্যক্ত।
- ঝ. **নিউ নেশন :** সম্প্রতি এক অনুষ্ঠানে আইজিপি এ কে এম শহিদুল হক পুলিশের বিভিন্ন কর্মকাণ্ডে দুঃখ প্রকাশ করে ভবিষ্যতে পুলিশ আর জনগণের বিরুদ্ধে কোনো অন্যায় আচরণ করবে না বলে যে অভিমত

প্রকাশ করেছেন তার যথাযথ প্রতিফলনের প্রত্যাশা ব্যক্ত করে সম্পাদকীয় প্রকাশ করেছে।

উপ-সম্পাদকীয়

প্রথম আলো পত্রিকায় প্রকাশিত কলামে প্রাথমিক শিক্ষাক্ষেত্রে সাম্প্রতিক সাফল্যে জিপিএ-৫ সিনড্রোমে না ভুগে বিবেচনায় নিতে হবে সবার স্বার্থ, সবার সাফল্যকে। অদূর ভবিষ্যতের পরিনতিও বিবেচনায় নিতে হবে বলে উল্লেখ করা হয়েছে।

নিবন্ধ ও ফিচার

যায়যায়দিন পত্রিকায় প্রকাশিত ‘অযৌক্তিক বেতন ফি বৃদ্ধি রোধ করুন’ শিরোনামের নিবন্ধে সৈয়দ ফারহক হোসেন অযৌক্তিক কোনো অজুহাত তুলে শিক্ষার্থীদের বেতন বাড়নো কোনোভাবেই কাম্য নয় বলে অভিমত প্রকাশ করেছেন।

#

ফারহানা/শুকলা/মরজিনা/সাইদা/রশীদ/২০১৬/৯.০০ ঘণ্টা